



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za žalbe i Predstavke

ZL.Anr.223/2017

Paneli Zgjedhor për Ankesa dhe Parashtrësia (PZAP), në panelin e përbërë nga anëtarët: Gyltene Sylejmani kryesues, Afijete Sada Glllogjani dhe Adnan Konushevci anëtarë, me pjesëmarrjen e Zyrtares së Lart Ligjore Antigona Murati, duke vendosur përkitazi me ankesën e Kosova Turk Adalet Partisi (KTAP) me seli në Mamushë, paraqitur kundër Mirat Morina, anëtarë i Komisionit Komunal Zgjedhor (KKZ), në Komunën e Mamushës nga radhët e subjektit politik Aleanca për Ardhmërinë e Kosovës (AAK), me seli në Prishtinë, për shkak të përdorimit të gjuhës që mund të nxisë ose provokoj një person tjetër, gjatë fushatës zgjedhore për Zgjedhjet Lokale që do të mbahen me datë 22.10.2017, në seancën e panelit të mbajtur, me datë 18.10.2017, mori këtë:

V E N D I M

I. PRANOHET pjesërisht si e bazuar ankesa e subjektit politik Kosova Turk Adalet Partisi (KTAP), me seli në Mamushë, e cila identifikohet me shenjën ZL.Anr.223/2017, e datës 16.10.2017, ashtu që Mirat Morina, anëtarë i Komisionit Komunal Zgjedhor (KKZ), në Komunën e Mamushës nga radhët e subjektit politik Aleanca për Ardhmërinë e Kosovës (AAK), me seli në Prishtinë, **I NDALOHET** pjesëmarrja në zgjedhje, si pjesë e stafit administrativ e ndonjë organi zgjedhor, të menaxhuara nën autoritetin e Komisionit Qendror të Zgjedhjeve (KQZ), me seli në Prishtinë, në kohëzgjatje prej 5 (pesë) vite, duke i përfshirë edhe Zgjedhjet Lokale, që do të mbahen me datë 22.10.2017.

II. REFUZHET si e pabazuar pjesa e ankesë e subjektit politik Kosova Turk Adalet Partisi (KTAP), me seli në Mamushë, në raport me përgjegjësinë që mban subjektit politik Aleanca për Ardhmërinë e Kosovës (AAK), me seli në Prishtinë, në këtë çështje juridike.

A r s y e t i m

Kosova Turk Adalet Partisi (KTAP), ka parashtruar ankesë në PZAP, me datë 16.10.2017, me të cilën pretendon se me datë 16.10.2017, anëtari i KKZ-së në Mamushë nga radhët e subjektit politik AAK, Mirat Morina, përmes mediave sociale faqes së facebookit personal ka shpalosur shumë gënjeshtër dhe shpifje në emër të KTAP-së për votuesit, kopjen e të cilës ia kanë bashkangjitur ankesës. Parashtruesi i ankesës pretendon se pjesëmarrja e tij në aktivitete zgjedhore dhe përkrahja publike për kandidatin e KDTP-së në Mamushë, bie ndesh me rregullat zgjedhore dhe mos përkrahjen e kandidatëve, dhe shtojnë se bashkëshortja e tij është candidate nga lista për anëtare e këshillit të kuvendit komunal nga radhët e subjektit politik KDTP, kjo flet

edhe më shumë për një KKZ të paanshëm dhe mbrojtje të drejtës së votës dhe mos manipulimit me të. Me propozim për panelin që të ndërmerren masa ligjore ndaj zyrtarit të caktuar në fjalë.

Subjekti politik Aleanca për Ardhmërinë e Kosovës (AAK), në përgjigje në ankesë të datës 17.10.2017, deklaroi se ka kërkuar në mënyrë zyrtare nga KQZ që anëtari i KKZ-së në Mamushë nga radhët e subjektit politik AAK të shkarkohet nga kjo pozitë, për arsye se ka përkrahur në mënyrë publike një kandidat të partisë tjetër. Me propozim që në raport me përgjegjësin e subjektit politik në këtë rast ankesa të refuzohet si e pabazuar.

Paneli, pasi që shqyrtoj pretendimet ankimore provat e administruar, për secilën veç e veç dhe të gjitha së bashku, në kuptim të nenit 117 par.2 të LZP-së, gjeti se ankesa është **pjesërisht e bazuar**, për këto arsye:

Komisioni Komunal i Zgjedhjeve (KKZ), është organ përgjegjës për zbatimin e aktiviteteve zgjedhore brenda territorit të Komunës, ku vepron, së bashku anëtarët që nominohen nga subjektet politike dhe që aprovohen nga KQZ-ja sipas LZP-së. Në këtë rast Mirat Morina, anëtarë i Komisionit Komunal Zgjedhor (KKZ), në Komunën e Mamushës nga radhët e subjektit politik Aleanca për Ardhmërinë e Kosovës (AAK), ka rënë në kundërshtim me Kodin e Mirësjelljes që e ka nënshtruar, me rastin e emërimit të tij si KKZ, nga KQZ-ja, para fillimit të punës, sipas nenit 67 par.8 të LZP-së, sepse nga postimi i tij në rrjetin social "Facebook", rezultoi se ka elemente të cilat janë të shprehur kundër një subjekti të caktuar politik në këtë rast kundër parashtruesit të ankesës.

Pretendimet ankimore të parashtruesit të ankesës lidhur me shkeljen e pretenduar të Kodit të Mirësjelljes, nga anëtari i KKZ-së, në Komunën e Mamushës, Mirat Morina nga radhët e subjektit politik AAK, paneli i vlerësoj si të qëndrueshme, dhe si të tillë e aprovoj, sepse anëtari i KKZ-së së lartpërmendur ka postuar në rrjetin social "Facebook", postimin që vlerësohet nga paneli se ka elemente të përdorimit të gjuhës në formë të shkruar që nxit, provokon një person tjetër, që është në kundërshtim me nenin 33 par. 1 pika l) të LZP-së.

Paneli me rastin e vendosjes si në pikën -I-, të dispozitivit të këtij vendimi, vendosi duke u bazuar në dispozitën ligjore të nenit 120 par.3, pika d), të LZP-së, në të cilin parashihet se: *"Në rast se ka ndodhur një shkelje e këtij ligji ose rregullave zgjedhore e cila e minon integritetin e zgjedhjeve PZAP-i mundet d) Ndalojë një individ të marr pjesë në zgjedhjet e mbajtura nën autoritetin e KQZ-së, si kandidat apo edhe si pjesë administrative e ndonjë organi zgjedhor, për një periudhë kohore që nuk u kalon gjashtë (6) vite"*. Pasi që është vërtetuar nga paneli në mënyrë të pa dyshimit se anëtari i KKZ-së në Komunën e Mamushës Mirat Morina, nga radhët e subjektit politik AAK, ka rënë në kundërshtim me dispozitën e lartshkruar ligjore dhe në kundërshtim me Kodin e sjelljes për anëtarë të KKZ-së, në të cilin përcaktohet se çdo anëtarë i KKZ-së: *"Do të veprojnë në mënyrë jo-partiake dhe neutrale në kryerjen e detyrave të mia zyrtare. Asnjëherë në cilësinë time zyrtare me asnjë veprim, qëndrim, mënyrë ose fjalim nuk do të shfaq mbështetje për ndonjë parti politike, koalicion, iniciativë qytetare ose kandidati dhe nuk do të mbajë anim politik"*. Sepse me postimin shkrimi të tij në rrjetin social "Facebook", është vlerësuar nga paneli se ka elemente të përdorimit të gjuhës në formë të shkruar që nxit dhe provokon një person tjetër, që garon në

komunën që është territor ku edhe është i nominuar Mirat Morina, në cilësinë e anëtarit të KKZ-së, nga radhët e subjektit politik AAK.

Paneli me pjesën II të dispozitivit, refuzoi si të pabazuar pjesën e ankesës së subjektit politik Kosova Turk Adalet Partisi (KTAP), me seli në Mamushë, në raport me përgjegjësinë që mban subjektit politik Aleanca për Ardhmërinë e Kosovës (AAK), me seli në Prishtinë, në këtë çështje juridike pasi që subjekti politik AAK, në përgjigje në ankesë kanë theksuar se me parashtresa e datës 17.10.2017, drejtuar KQZ-së e ka kanë kërkuar në mënyrë zyrtare nga KQZ, të shkarkohet anëtarin e nominuar nga KKZ-së Mirat Morina, pasi që i njëjti në mënyrë publike e ka përkrahur një subjekt tjetër politik. Andaj, veprimi i kësaj natyre nga ana e subjektit politik AAK, vlerësohet nga paneli si përpjekje serioze, për t'i parandaluar veprimet e kundërligjshme të çështjes lëndore siç edhe përcaktohet me nenin 32 të LZP-së.

Nga arsyet e theksuar më e duke bazuar nenin 118 par.1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtresa

Zl.Anr. 223/2017 më datën 18.10.2017

Këshillë Juridike: Kundër këtij vendimi është e lejuar ankesa në *Gjykatën Supreme të Kosovës, brenda njëzetekatër (24) orëve nga momenti i marrjes-pranimi të këtij vendimi.*

Kryesuesi i Panelit
Gyltene Sylejmani



Ky vendim menjëherë të ju dorëzohet:

- Palëve në procedurë,
- Komisionit Qendror të Zgjedhjeve (KQZ) dhe
- Komisionit Komunal Zgjedhor (KKZ), në Komunën e Mamushës.